


Alkitab Buat Bocah

Nampilin

Empat Puluh Taun



Nyeng nulis: Edward Hughes

Nyeng bikin gambar: Janie Forest
Alastair Paterson


Nyeng nyocokin: Lyn Doerksen

Nyeng terjemahin: Matheus Nalih Ungin

Dibikin buat: Bible for Children
www.M1914.org


©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Waktu Tuhan nyelametin orang-orang Israel keluar dari tanah Mesir, Musa mimpin orang-orang itu dengan memuji. Dia bikin satu pujian sesembahan. "Aku bakal nyanyi buat Tuhan, sebab ia punya kebesaran ama kejayaan." Musa nyanyi buat sesuatu nyeng gede nyeng Allah udah buat bagi Israel.

Alleluya!
Puji Tuhan





Seudah tiga ari di padang gurun orang-orang nyeng keausan itu nemuin sebuah kolek. Tapi mereka kaga bisa minum aer nyeng pait. Bukan pada sembahyang, orang-orang itu malahan pada ngedumel.


Allah bae banget. Dia ngejadiin aer itu bisa buat diminum.

3



Roman-romannya orang-orang itu pada ngedumel tentang semua persoalan. "Kami punya makan di Mesir. Dan di padang gurun ini kami bakal mati kelaparan." Mereka mewek. Pada malem itu juga Tuhan ngirim burung-burung nyeng dibilang burung puyuh, Orang-orang nangkepinya gampang.


4




Pagi arinya Allah ngirim manna. Manna itu kaya roti nyeng berasa madu. Tiap pagi manna itu ngampar di tanah

dan siap dikumpulin. Liwat cara ini Tuhan ngasih makan jamaahNya di padang gurun.

5



6



Nyeng pasti, manna nyeng kemaren dekerubutin blatung - kecuali pada ari Sabat. Khusus pada ari ke tujuh orang-orang pada ngasoh dan makan manna nyeng kemaren.


7



Allah pira orang-orang Israel di padang gurun. Dia ngasih makanan ama aer - dan ngejaga mereka dari musuh-musuh.

Pas orang-orang Amalek nyerang, Israel menang perang selagi Musa ngangkat tungkednya pada Allah.

8




Tuhan bilang sama orang-orang Israel, "Kalo kamu nurutin suaraKu kamu bakalan jadi jamaah pilihanKu." "Apa aja nyeng Tuhan bilang, kami bakalan ngelaksanainnya," Orang-orang bilang sama Musa. Mereka pegihke kaki gunung Sinai dan nungguin selagi Musa pegih buat ketemu sama Tuhan.

9




Musa sama-sama Tuhan ada di gunung Sinai selama empat puluh ari. Allah nulis Sepuluh Perintah pada dua lempeng batu. Dia bilang sama Musa pegimana Dia pengen jamaahNya supaya idup.

10



1. "Jangan ada Allah laen sama kamu selaen Aku."
2. "Jangan bikin atawa nyembah sama patung."
3. "Jangan nyebut nama Tuhan Allahmu secara sembarangan."
4. "Inget ama ari Sabat dan kudusin itu."
5. "Hormatin bapamu sama emakmu."

11




6. "Jangan ngebunuh."
7. "Jangan zinah."
8. "Jangan nyolong."
9. "Jangan boong."
10. "Jangan pengenin banda orang."

12



Selagi Musa ada sama-sama Tuhan di gunung Sinai orang-orang Israel ngelakuin sesuatu nyeng nakutin. Mereka minta Harun buat bikinin satu anak sapi emas - dan mereka nyembahnya ngegantiin Tuhan.

13



Pas Musa ngeliat patung sapi emas dan orang-orang pada nandak, dia ngebabetin lempengan batu itu ke tanah. Bener-bener marah Musa ngerusakin patung emas itu. Dia ngebunuh orang jahat nyeng nyembah patung emas itu.

14

Tuhan ngegantiin lagi dua lempeng batu. Dia bilang sama Musa buat ngebangun satu kemah kecil buat nyimpen - satu tenda gede sama pager disekiterannya - dimana Tuhan bakal netep sama-sama jamaahNya. Mereka muji-muji Tuhan di sono. Tiang awan ama tiang api nunjukin adanya Tuhan sama mereka.




15

Pas mereka deket Kanaan, Musa ngirim dua belas tukang nginte buat ngeliat tanah nyeng dijanjin Tuhan buat jamaahNya. Mereka muij-muji Tuhan di sono.



16


Sepuluh penginte nyeng laen ngerasa takut sebab kota itu kuat dan raksasa-raksasa nyeng netep di tanah itu. "Kita kaga bisa ngambil tanah itu," mereka ngresulah.



17

Mereka lupa hal-hal gede nyeng Tuhan kerjain buat ngebebasin mereka dari Mesir.

Orang-orang pada ngikutin sepuluh penginte nyeng kaga percaya. Mereka mewek dan siap-siap buat balik lagi ke Mesir. Mereka juga nyoba buat ngebunuh Musa!



18

Tuhan nyelametin idup Musa. Lantas Dia bilang sama jamaahNya. "Selama empat puluh taun kamu bakal pegih kaga nentu arah di utan belantara. Cuman Kaleb, Yosua ama bocah-bocahmu nyeng bakal idup buat bisa masuk ke tanah nyeng kamu kaga sudi."



19

Empat Puluh Taun

Sebuah cerita dari perkataannya Tuhan, Alkitab

Ditemuin di

Keluaran 15 - Bilangan 14


"Palang pintu Firman Engkau ngasih terang."
Mazmur 119:130

20



Tamat

12



60

21

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

22